



SLUŽBENI GLASNIK OPĆINE TEŠANJ

IZDAVAČ: Općinsko vijeće Tešanj UREĐUJE: Stručni odjel Općine Tel. 032/650-022 Trg Alije Izetbegovića 11, 74260 Tešanj E-mail: sajda.kleplic@opcina-tesanj.ba	Godina XLVII - Broj 10 Četvrtak, 20.11.2014. godine TEŠANJ	ŠTAMPA: Općina Tešanj Priprema: Sajda Klepić, Tehnički sekretar Vijeća "Službeni glasnik" izlazi po potrebi
--	---	---

Na osnovu člana 2. Zakona o osnovama sigurnosti saobraćaja na cestama Bosne i Hercegovine („Službeni glasnik BiH” broj 6/06, 75/06 i 44/07) i člana 14. Statuta Općine Tešanj (“Službeni glasnik Općine Tešanj” broj 11/07), Općinsko vijeće Tešanj na svojoj 24. sjednici održanoj dana 13.11.2014. godine donosi

ODLUKU o izmjenama Odluke o organizaciji i sigurnosti saobraćaja na cestama

Član 1.

U Odluci o organizaciji i sigurnosti saobraćaja na cestama („Službeni glasnik Općine Tešanj“ broj: 3/10 i 1/12) član 26. mijenja i glasi:

„Opća parkirališta određuju se na sljedećim lokacijama:

1) Parking prostori u Tešnju:

- Parking uz ulicu "Kralja Tvrtka" (Zvečaj),
- Natkriveni dio rijeke Tešanjke između ulica "Kralja Tvrtka" i "Safeta Hadžihasića",
- Parking prostor između ulica "9.septembar" i "Alipaše Hećimovića" (kod samoposluge "AS"),
- Parking prostor uz zgradu NK "TOŠK",
- Parking prostor "Musala",
- Parking prostor u stambenom naselju Krndija,
- Prostor u ulici "Hajrudina Hajdića" (Kod biblioteke i obdaništa),
- Prostor kod JP "RAD" (put prema Kotlanicama),
- Parking prostor u stambenom naselju "Simetrale",
- Parking prostor prema greblju "Đonlagićka"- ulicom "Enesa Galijaševića",
- Parking u Titovoj ulici (uz čaršiju),
- Parking u "Tabačkoj ulici" (srednji sokak),
- Parking u ulici "Adema Handžića",

- Parking u ulici "Nisima Albaharija" kod poslovnice "Uno",
- Parking u ulici "Braće Pobrić" kod OŠ "Huso Hodžić"

2) Parking prostori u Jelahu:

- Parking prostor "Trg branilaca BiH",
- Parking prostor od BP "Energopetrol" duž ulice "Husein-kapetana Gradaševića",
- Parking prostor duž ulice "Titova" (desna strana), od Šoping centra prema "FAD" dd Jelah,
- Parking prostor ispred Doma kulture Jelah,
- Parking prostor ispred mjesnog ureda Jelah,
- Parking prostor u ul. "Titova" ispred zgrade "Vemal" u Jelahu.

3) Parking prostori Tešanjka:

1. Parking prostor kod Doma zdravlja Tešanjka,
2. Parking prostor ispred MZ-e Tešanjka,
3. Parking prostor u ulici "27.juli"- "Stara cesta"

Parking lokacije obuhvaćene planom revitalizacije i regeneracije, izmjenama regulacionog plana i drugim planovima, biće u funkciji parkirališta sve do privođenja površina krajnjoj namjeni.

Član 2.

Član 32. Odluke mijenja se i glasi:

“Poslove upravljanja i održavanja općih (javnih) parkirališta u državnoj svojini, a za koja je nosilac prava Općina Tešanj odredit će Općinski načelnik zaključivanjem ugovora sa registrovanim licima za obavljanje djelatnosti u vezi sa parkiralištima u skladu sa šifrom iz Klasifikacije djelatnosti BH, nakon raspisivanja javnog poziva za upravljanje općim parkiralištima.

O ostalim općim (javnim) parkiralištima brinu fizička i pravna lica koja su nosioci prava na istim.

Javnim pozivom odredit će se organizacija i način naplate parkiranja (sistem naplate putem rampe, parkomata, zakupa mjesta i sl.) imajući u vidu lokaciju i stepen uređenosti prostora.”

Član 3

Ova odluka stupa na snagu osmog dana od dana objavljivanja u „Službenom glasniku Općine Tešanj“.

OPĆINA TEŠANJ OPĆINSKO VIJEĆE

PREDSJEDAVALJUĆI VIJEĆA Fuad Šišić, s. r.

Broj: 01-02-1-1413-7/14

Datum: 14.11.2014. godine

Na osnovu člana 363. Stav 3. tačka 5. Zakona o stvarnim pravima "Službene novine FBiH" broj:66/13, 100/13), člana 4. tačka C Pravilnika o postupku javnog konkursa za raspolaganje nekretninama u vlasništvu FBiH, kantona, općina i gradova ("Službene novine FBiH" broj:17/14) i člana 14. Statuta Općine Tešanj („Službeni glasnik općine Tešanj“, broj:11/07), Općinsko vijeće Tešanj na svojoj 24. sjednici održanoj dana 13.11.2014.godine, donosi

ODLUKU

Član 1.

ODOBRAVA SE prodaja neposrednom pogodbom nekretnine vlasništvo općine Tešanj, Kiseljak Princess DC d.o.o. Orašje Planje-Tešanj, radi oblikovanja građevinske čestice, označene kao:

- k.p. br. 519/1 zv. Rijeka pašnjak IV klase površine 2 581 m², upisana u pl 81 K.O. Orašje Planje, kojoj prema podacima zemljišne knjige odgovara parcela označena kao k.č. br. 125/5 površine 2581 m², upisana u z.k. uložak broj:86 K.O. Tešanj vlasništvo Šumski erar sa dijelom 1/1.

Član 2.

Na osnovu ove Odluke, na nekretnini opisanoj u članu 1., u Zemljišnoj knjižnom uredu Općinskog suda Tešanj će se izvršiti brisanje ranijeg upisa i izvršiti uknjižba prava vlasništva, a u katastru upis prava posjeda, u korist: OPĆINE TEŠANJ sa dijelom 1/1.

Član 3.

Ovlašćuje se općinski načelnik da može u ime Općine Tešanj, zaključiti ugovor o prodaji nekretnine iz člana 1. ove Odluke, sa Kiseljak Princess DC d.o.o. Orašje Planje-Tešanj, kao i da poduzme eventualno druge potrebne radnje vezano za prodaju predmetne nekretnine.

Član 4.

Sve troškove u vezi prenosa prava na nekretnini iz člana 1. ove Odluke, troškove zaključenja ugovora, plaćanja poreza i troškova provođenja ugovora snosi budući vlasnik nekretnine.

Cijena m² iznosi 6,375 KM, tako da za površinu od 2 581 m², naknada iznosi 16.453,90 KM.

Član 5.

Ova Odluka stupa na snagu narednog dana od dana objavljivanja u "Službenom glasniku Općine Tešanj".

OPĆINA TEŠANJ OPĆINSKO VIJEĆE

PREDSJEDAVALJUĆI VIJEĆA Fuad Šišić, s. r.

Broj: 01- 31-1-727-2/14

Datum: 14.11.2014.godine

Na osnovu člana 14. Statuta Općine Tešanj („Službene glasnik Općine Tešanj broj 11/07) Općinsko vijeće Tešanj na svojoj 24. sjednici održanoj 13.11.2014. godine donosi

ODLUKU

o izmjeni i dopuni Poslovnika o radu Općinskog vijeća Tešanj

Član 1.

Ovom odlukom vrši se izmjena i dopuna Poslovnika o radu Općinskog vijeća Tešanj („Službeni glasnik Općine Tešanj“, broj 7/08 i 1/12) u odredbi člana 64. Poslovnika o radu Općinskog vijeća:

- Stav 2. se mijenja i glasi: O svakom prijedlogu Vijeće se izjašnjava tako što vijećnici glasaju korištenjem uređaja za elektronsko glasanje ili dizanjem ruke, kartona sa bojom ili poimenično. Prvo se glasa o pojedinačnim prijedlozima vijećnika ili kluba vijećnika, a zatim o prijedlogu predlagača. Pojedinačni prijedlozi ili prijedlozi klubova vijećnika koji dobiju potrebnu većinu glasova, postaju sastavni dio prijedloga predlagača.

- Stav 5. Poslovnika se mijenja i glasi: "Poimenično glasanje se vrši samo u slučaju ako se glasa dizanjem ruke ili kartona sa bojom i pri tome predsjedavajući Vijeća ili predsjednik Kluba vijećnika utvrdi da je to potrebno da bi se otklonile sumnje u tačnost rezultata glasanja.

Stav 1, 3, 4 i 6. člana 64. Poslovnika ostaju isti.

Član 2.

Ova odluka stupa na snagu narednog dana od dana objavljivanja u „Službenom glasniku Općine Tešanj“.

**OPĆINA TEŠANJ
OPĆINSKO VIJEĆE**

**PREDSJEDAVALJUĆI VIJEĆA
Fuad Šišić, s. r.**

**Broj: 01-02-1-1068-4/14
Datum: 14.11.2014.godine**

Na osnovu člana 22. stav 2. Zakona o stvarnim pravima Federacije BiH ("Službene novine FBiH", br. 66/13), Zakona o principima lokalne samouprave ("Službene novine FBiH", br. 49/06 i 51/09) i člana 14. Statuta Općine Tešanj ("Službeni glasnik Općine Tešanj", br. 11/07), Općinsko vijeće Općine Tešanj, na svojoj 24. sjednici, održanoj dana 13.11.2014.godine, donosi

ODLUKU

**o davanju ovlaštenja Općinskom Načelniku
za zaključivanje ugovora o zakupu**

Član 1.

Ovom odlukom daje se ovlaštenje Općinskom Načelniku da u ime Općine može pokrenuti, provesti postupak javnog oglasa i zaključiti ugovor sa najpovoljnijim ponuđačem za zakup objekata i prostora koji su u vlasništvu općine Tešanj.

Član 2.

Ovlaštenje iz člana 1. ove Odluke odnosi se na zakup u trajanju do 5 (pet) godina, dok će Vijeće svojim Odlukama posebno rješavati zakupe za period duži od 5 (pet) godina.

Član 3.

Prije zaključenja ugovora o zakupu (bez obzira na njegovo trajanje) tražit će se mišljenje Općinskog pravobranioca.

Član 4.

Ova Odluka stupa na snagu narednog dana od dana objavljivanja u "Službenom glasniku Općine Tešanj."

**OPĆINA TEŠANJ
OPĆINSKO VIJEĆE**

**PREDSJEDAVALJUĆI VIJEĆA
Fuad Šišić, s. r.**

**Broj:01-49-2-2129-2/14
Datum: 14.11.2014.godine**

Na osnovu člana 14. tačka 16. Statuta Općine Tešanj ("Službeni glasnik Općine Tešanj", broj: 11/07) i člana 17. Poslovnika o radu Općinskog vijeća Tešanj ("Službeni glasnik Općine Tešanj", broj: 7/08, 1/12 i 7/12), Općinsko vijeće Tešanj na svojoj 24. sjednici održanoj dana 13.11.2014. godine, donijelo je

RJEŠENJE

**o razrješenju predsjedavajućeg
Općinskog vijeća Tešanj**

I

Fuad Šišić se razrješava dužnosti predsjedavajućeg Općinskog vijeća Tešanj, na lični zahtjev.

II

Ovo rješenje stupa na snagu danom donošenja, i objavit će se u "Službenom glasniku Općine Tešanj".

**OPĆINA TEŠANJ
OPĆINSKO VIJEĆE**

**ZAMJENIK PREDSJEDAVALJUĆEG VIJEĆA
Rifet Begović, s. r.**

**Broj: 01-05-4-2166-2/14
Datum: 14.11.2014. godine**

Općinsko vijeće Tešanj je na svojoj 24. sjednici održanoj dana 13.11.2014. godine, razmatrajući Nacrt Budžeta općine Tešanj za 2015.godinu, donijelo sljedeći

ZAKLJUČAK

Usvaja se Nacrt Budžeta općine Tešanj za 2015.godinu i upućuje na javnu raspravu u trajanju od 30 dana.

**OPĆINA TEŠANJ
OPĆINSKO VIJEĆE**

**PREDSJEDAVALJUĆI VIJEĆA
Fuad Šišić, s. r.**

**Broj:01-14-2-726-5/14
Datum: 14.11.2014.godine**

Općinsko vijeće Tešanj je na svojoj 24. sjednici održanoj dana 13.11.2014. godine, razmatrajući Nacrt Odluke o izmjeni i dopuni Odluke o utvrđivanju opisa granica naseljenih mjesta na području općine Tešanj, donijelo sljedeći

Z A K L J U Č A K

Usvaja se Nacrt Odluke o izmjeni i dopuni Odluke o utvrđivanju opisa granica naseljenih mjesta na području općine Tešanj, i upućuje na javnu raspravu u trajanju od 45 dana.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Fuad Šišić, s. r.

Broj: 01- 31-8-58-80/14
Datum: 14.11.2014. godine

Općinsko vijeće Tešanj je na svojoj 24. sjednici održanoj dana 13.11.2014. godine, razmatrajući Nacrt Odluke o nazivima i označavanju ulica, trgova i označavanju objekata brojevima na području Općine Tešanj, donijelo sljedeći

Z A K L J U Č A K

Usvaja se Nacrt Odluke o nazivima i označavanju ulica, trgova i označavanju objekata brojevima na području Općine Tešanj i upućuje na javnu raspravu u trajanju od 45 dana.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Fuad Šišić, s. r.

Broj: 02-31-8-58-79/14.
Datum: 14.11.2014. godine

Općinsko vijeće Tešanj je na svojoj 24. sjednici održanoj dana 13.11.2014. godine, razmatrajući Informaciju o socijalnoj zaštiti na području općine Tešanj (položaj djece i omladine sa posebnim potrebama i položaj građana u socijalnoj potrebi), donijelo sljedeći

Z A K L J U Č A K

Prima se na znanje Informacija o socijalnoj zaštiti na području općine Tešanj (položaju djece i omladine sa posebnim potrebama i položaju građana u socijalnoj potrebi).

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Fuad Šišić, s. r.

Broj:01-35-2-2102-2/14
Datum: 14.11.2014.godine

S A D R Ž A J

I - AKTI OPĆINSKOG VIJEĆA

	Strana
129. Odluka o izmjenama Odluke o organizaciji i sigurnosti saobraćaja na cestama	163
130. Odluka o prodaji nekretnine - Kiseljak Princess DC d.o.o. Orašje Planje-Tešanj.....	164
131. Odluka o izmjeni i dopuni Poslovnika o radu Općinskog vijeća Tešanj.....	164
132. Odluka o davanju ovlaštenja Općinskom Načelniku za zaključivanje ugovora o zakupu.....	165
133. Rješenje o razrješenju predsjedavajućeg Općinskog vijeća Tešanj.....	165
134. Zaključak – usvaja se Nacrt Budžeta općine Tešanj za 2015.godinu.....	165
135. Zaključak – usvaja se Nacrt Odluke o izmjeni i dopuni Odluke o utvrđivanju opisa granica naseljenih mjesta na području općine Tešanj.....	166
136. Zaključak – usvaja se Nacrt Odluke o nazivima i označavanju ulica, trgova i označavanju objekata brojevima na području Općine Tešanj.....	166
137. Zaključak - prima se na znanje Informacija o socijalnoj zaštiti na području općine Tešanj (položaju djece i omladine sa posebnim potrebama i položaju građana u socijalnoj potrebi).....	166

